



Gradska izborna komisija

---

Broj: 01-04-3-28/26  
Lukavac, 26.05.2026. godine

Na osnovu člana 11. Poslovnika o radu Gradske izborne komisije Lukavac („Sl. glasnik Grada Lukavac“ broj: 8/24), predsjednica Gradske izborne komisije Lukavac, upućuje

**P O Z I V**

Za 6. sjednicu Gradske izborne komisije Lukavac u 2026. godini, koja će se održati dana **29.06.2026.** godine (ponedeljak), sa početkom u 12.00 sati u zgradi gradske uprave Grada Lukavac (sala za sastanke ) i za istu predlaže slijedeći

**DNEVNI RED**

1. Razmatranje i usvajanje Izvoda iz Zapisnika sa 5. sjednice Gradske izborne komisije održane dana 02.06.2026. godine
2. Utvrđivanje Rezervne liste kvalifikovanih osoba za imenovanje članova/zamjenika članova biračkih odbora i mobilnih timova za Opće izbore 2026. godine
3. Razmatranje i utvrđivanje Nacrta Odluke o raspodjeli izbornih aktivnosti između članova GIK-a za Opće izbore 2026. godine
4. Razno

**Predsjednica GIK-e Lukavac**

Izeta Bajrić, dipl. pravnik

**Dostavljeno:**

1. Članovima GIK-e
2. Za Web stranicu
3. Evidenciji
4. a/a





## Gradska izborna komisija

Broj: 01-04-03-2/26  
Lukavac, 28.05.2026. godine

### IZVOD IZ ZAPISNIKA

sa 5. sjednice Gradske izborne komisije Lukavac u 2026. godine, održane dana **02.06.2026.** godine (utorak), sa početkom u 12.00 sati u zgradi gradske uprave Grada Lukavac (sala za sastanke )

**Prisutni:** Izeta Bajrić - predsjednica komisije, član komisije Samir Subašić i članice komisije Nina Mujkanović i Azra Hasanović.

Odsutni je bio član komisije Mario Tunjić.

Predsjednica komisije je otvorila 5. sjednicu Gradske izborne komisije u 2026. godini (u daljem tekstu Komisija), te u ime komisije poželila dobrodošlicu i uspješan rad novoimenovanoj članici komisije Azri Hasanović.

Predsjednica komisije je konstatovala da su članovi komisije uz poziv dobili materijale za predložene tačke dnevnog reda.

Prijedloga za dopunu dnevnog reda nije bilo niti je vođenja rasprava o istom.

Po zaključenoj raspravi o prijedlogu dnevnog reda Komisija je za 5. sjednicu u 2026. godini **le dno g l a s n o** usvojila slijedeći:

### DNEVNI RED

1. Razmatranje i usvajanje Izvoda iz Zapisnika sa 4. sjednice Gradske izborne komisije održane dana 18.05.2026. godine
2. Utvrđivanje aktivnosti i načina realizacije Plana izlaganje Izvoda iz Centralnog biračkog spiska
3. Razno

### PRVA TAČKA DNEVNOG REDA

Razmatranje i usvajanje Izvoda iz Zapisnika sa 4. sjednice Gradske izborne komisije održane dana 02.06.2026. godine,

Primjedbi na izvod iz zapisnika sa 4. sjednice komisije održane dana 02.06.2026. godine, nije bilo te je GIK-a **le dno g l a s n o** usvojila slijedeći

### ZAKLJUČAK

Usvaja se Izvod iz zapisnika sa 4. sjednice Gradske izborne komisije održane dana 02.06.2026. godine, bez primjedbi.

### DRUGA TAČKA DNEVNOG REDA

Utvrđivanje aktivnosti i načina realizacije Plana izlaganje Izvoda iz Centralnog biračkog spiska



Predsjednica Komisije je konstatovala da je materijal za tačku dnevnog reda dostavljen uz poziv za sjednicu odnosno da je kao materijal dostavljen Plan izlaganja privremenog biračkog spiska, prijedlog obavijesti o izlaganju privremenog biračkog spiska i prijedlog obavijesti o o promjeni biračke opcije za raseljena lica. Takođe je napomenula da je naknadno dostavila korigovane prijedloge obavijesti.

Nakon kraće rasprave članovi komisije su se jednoglasno usaglasili o sadržaju obavijesti o izlaganju Privremenog biračkog spiska i obavijesti o promjeni biračke opcije koje su sačinjene u skladu sa Planom izlaganja privremenog biračkog spiska i koje treba staviti na uvid građanima.

Komisija se jednoglasno usaglasila da se privremeni birački spiskovi uz obavijesti o izlaganju Privremenog biračkog spiska dostave u elektronskoj formi Vijećima MZ koji u nadležnoj službi imaju prijavljene email adrese, a ostalim u fizičkoj formi .

Da se obavijesti objave na zvaničnoj web stranici Grada Lukavac, RTV Lukavac i na oglasnoj ploči Grada Lukavac.

Aktivnosti vezano za preuzimanje biračkih spiskova i naprijed navedenih obavijesti u saradnji sa CBS će provesti članovi komisije Samir Subašić, Izeta Bajrić i Nina Mujkanović.

## **PETA TAČKA DNEVNOG REDA**

### **RAZNO**

U okviru ove tačke dnevnog reda članovi komisije su upoznati da je od strane CIK BiH dostavljeno rješenje kojim je data saglasnost za imenovanje Azre Hasanović za članicu GIK-a Lukavac te da je imenovana položila zakletvu pred Gradskim vijećem Lukavac

Rad sjednice je završen u 17.h

Dostavljeno:  
1.Članovima GIK-e  
2.Evidenciji  
3. a/a

**Predsjednica GIK-e Lukavac**  
Izeta Bajrić, dipl. pravnik



## Gradska izborna komisija

Broj: /26  
Lukavac, 26.06.2024. godine

U skladu sa članom 34. stav (9) Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine („Službeni glasnik BiH“, broj: 6/26) Gradska izborna komisija Lukavac, utvrđuje

### REZERVNU LISTU

kandidata za popunu rezervnog spiska kvalifikovanih osoba za imenovanje članova biračkih odbora/mobilnog tima/tima i njihovih zamjenika

I

Utvrđuje se **Rezervna lista** kandidata za popunu rezervnog spiska kvalifikovanih osoba za imenovanje članova biračkih odbora/mobilnog tima/tima i njihovih zamjenika, kako slijedi:

BR.	IME I PREZIME	ADRESA	STRUČNA SPREMA
1			
2			
3			
4			
5			
6			
7			
8			

II

Gradska Izborna komisija, će lica sa rezervnog spiska moći imenovati za članove ili zamjenike članova biračkih odbora na biračkim mjestima u slučajevima iz člana 34. stav (3) Pravilnika o postupku imenovanja i razrješenja Predsjednika i članova biračkih odbora za Opće izbore u Bosni i Hercegovini 2026. godine, odnosno u slučaju da politički subjekt ne dostavi imena kandidata za članove/zamjenike biračkog odbora u roku iz člana 32. stav 3. pomenutog Pravilnika ili ako je dostavio broj kandidata za mjesta članova/zamjenika biračkog odbora manji od potrebnog broja članova/zamjenika članova biračkog odbora, što će se smatrati odustajanjem od dodijeljenog mjesta u biračkom odboru. U navedenom slučaju Gradska Izborna Komisija će nedostajuće članove biračkog odbora i njihove zamjenike imenovati sa rezervne liste edukovanih kandidata za članstvo u biračkom odboru, vodeći računa da popuna bude u skladu sa članom 2.19 stav (13) Izbornog zakona BiH.



Gradska Izborna Komisija će postupiti u skladu sa članom 34. stav (3) i u slučaju da član biračkog odbora odnosno njegov zamjenik iz opravdanih razloga odustane od rada u biračkom odboru, a na listi nema preostalih kandidata političkog subjekta, odnosno popunu će izvršiti kandidatom sa rezervne liste.

### III

Gradska izborna komisija će rezervnu listu po potrebi dopunjavati do 20.09.2026.godine.

### IV

Gradska Izborna Komisija će rezervnu listu staviti javnosti na uvid putem web stranice Gradske uprave Grada Lukavac.

Predsjednica GIK-e

Izeta Bajrić, dipl.pravnik

Dostaviti:

- 1.Za objavu na web stranici
- 2.Evidenciji
- 3.a/a



**Gradska izborna komisija**

Broj: \_\_\_\_\_/26  
Lukavac, 26.06.2026.godine

**Nacrt**

Na osnovu člana 1.2a, stav 5. i 2.13. Izbornog Zakona Bosne i Hercegovine („Službeni glasnik Bosne i Hercegovine”, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20. 38/22, 51/22, 67/22 i 24/24), člana 16. Poslovnika o radu Gradske izborne komisije Lukavac („Sl. glasnik Grada Lukavac“, broj. 8/24), i člana 2. Uputstva o načinu rada i izvještavanja izborne komisije osnovne izborne jedinice u BiH broj: 05-1-02-2-622/22 od 04.05.2022.godine, Gradska izborna Komisija Lukavac na 8. sjednici održanoj dana 29.06.2026.godine, donijela je

**O D L U K U**

**raspodjeli izbornih aktivnosti između članova GIK-e za Opće Izbore 2026.godine**

**Član 1.**

U cilju efikasnog i blagovremenog obavljanja svih poslova iz nadležnosti GIK-e utvrđenih Izbornim zakonom BiH, ovom Odlukom se vrši raspodjela zaduženja između članova GIK-e odnosno određuju se nosioci organizacije najznačajnijih izbornih aktivnosti koje predstoje u organizaciji i provođenju Opštih izbora 2026.godine.

**Član 2.**

Članica GIK-e **Nina Mujkanović** je nosilac organizacije aktivnosti koje za GIK-u proizilaze iz Pravilnika o formi, sadržaju, upotrebi i izradi izvoda iz Centralnog biračkog spiska ( „Službeni glasnik BiH“ broj: ),

**U okviru aktivnosti iz predhodnog stava imenovana će osigurati i koordinirati obavljanje slijedeće poslove :**

- upućivanje poziva ustanovama i građanima za dostavu podataka o licima koja trebaju glasati putem mobilnog tima, evidentiranje i sortiranje prispjelih zahtjeva, u saradnji sa CBS-om provjera da li su lica upisana u centralni birački spisak, uspostavljanje kontakta sa navedenim licima radi uzimanja izjave o njihovom opredjeljenju da glasaju putem mobilnog tima, organizacija posjete na terenu pomenutim licima u saradnji sa CBS-om, unos podataka o navedenim licima u odgovarajuću aplikaciju zajedno sa medicinskom dokumentacijom, dostava predloženog izvoda CIK-u na odobravanje, izrada plana rada mobilnog tima na terenu, obavijest političkim subjektima o planu rada mobilnog tima, evidentiranje zahtjeva drugih OIK-a/GIK-a vezano za lica koja su upisana u izvod iz CBS-a za Grad Lukavac, a nalaze se u zatvoru ili drugoj ustanovi van granica Grada Lukavac, po potrebi obilježavanje u CBS-u lica koja glasaju putem mobilnog tima, komunikacija sa CIK-om i ostalim zainteresovanim licima vezano za realizaciju navedene aktivnosti,
- Promjene biračke opcije i s tim u vezi koordiniranje sa Centrom za birački spisak,
- Nadgledanje rada Centra za birački spisak vezano za izvršavanje nadležnosti CBS-a u skladu sa članom 8. Pravilnika o formi, sadržaju, upotrebi i izradi izvoda iz Centralnog biračkog,
- Aktivnosti vezano za imenovanje i obuku članova i zamjenika članova mobilnih timova.



### Član 3.

Član komisije **Mario Tunjić** je nosilac organizacije poslova propisanih Pravinikom o provođenju Opštih izbora 2026. godine u BiH ( „Službeni glasnik BiH“ broj: 37/26), a koji se odnose na prijem neosjetljivog i osjetljivog izbornog materijala od strane CIK-a BiH i distribuciju istog biračkim odborima, prijem originalnih obrazaca i drugog izbornog materijala sa svih biračkih mjesta nakon zatvaranja biračkih mjesta na Općim izborima 2026 .godine, pripremu izbornog materijala i originalnih obrazaca sa biračkih mjesta za dostavu CIK-u BiH te aktivnosti akreditacije izbornih promatrača,

**U okviru aktivnosti iz predhodnog stava imenovani će osigurati i koordinirati obavljanje slijedeće poslove :**

- obezbjeđenje prostora za skladištenje izbornog materijala, komunikaciju sa JU Centar za kulturu i drugim Javnim ustanovama i preduzećima čiji je osnivač Grada Lukavac vezano za obezbeđenje skladišnog prostor kao i CIK-om BiH vezano za prijem i otpremu izbornog materijala, organizaciju i angažman osoblja za istovar i utovar izbornog materijala prilikom prijema od CIK BiH, distribucije biračkim odborima i sa biračkih mjesta te otpreme materijala CIK BiH.

- također ova aktivnost podrazumijeva zaprimanje originalnih obrazaca sa biračkih mjesta kao i provjeru da li isti sadržavaju sve potrebne stranice, organizaciju prijema vreća sa izbornim materijalom uz provjeru da li upisani pečati na vrećama odgovaraju broju upisanog pečata u originalnom obrascu i da li je izborni materijal ispravno zapakovan te ako nije osigurati da to birački odbor ispravi, sortiranje zaprimljenog izbornog materijala-vreća sa biračkih mjesta prema redoslijedu biračkih mjesta od 1 do 47, upisivanje brojeva pečata u odgovarajući obrazac za otpremu redoslijedom kojim su biračka mjesta utvrđena, blagovremena dostava originalnih obrazaca u sjedište GIK-a. Organizacija pripreme originalnih obrazaca sa biračkih mjesta za - predaju na propisani način CIK-u BiH,

- izrada plana otpreme izbornog materijala biračkim odborima na biračka mjesta i koordinacija sa Policijskom upravom Lukavac vezano za obezbeđenje lokacije biračkih mjesta.

- priprema prijedloga odluka i ugovora o angažovanju potrebnog osoblja za provedbu ove aktivnosti,

- upućivanje poziva ovjerenim političkim subjektima za dostavu prijedloga za akreditaciju promatrača,

- provjera dostavljenih prijedloga na način da li su dostavljeni u skladu sa Uputstvom, da li su predložene osobe već imenovane za članove biračkih odbora,

- pripremu prijedloga Odluka kojim se odobrava akreditovanje i fizička izrada akreditacija,

- predaja političkim subjektima odgovarajuće dokumentacije i akreditacija,

- izrada liste akreditovanih promatrača i na dan izbora koordinacija sa predsjednicima biračkih odbora vezano za nesporazume oko izdatih akreditacija.

### Član 4.

Član Komisije **Samir Subašić** je nosilac organizacije izbornih aktivnosti koje za GIK-u proizilaze iz Pravilnika o o postupku imenovanja i razrješenja predsjednika i članova biračkih odbora u BiH

( „Službeni glasnik BiH“ broj: 6/26), a tiču se organizacije i provedbe postupka žrijebanja dodjele mjesta u biračkim odborima za Opšte izbore 2026. godine kao i izbornih aktivnosti koje proizilaze i Pravilnika o provedbi Opštih izbora 2026. godine u BiH ( „Službeni glasnik BiH“ broj: 37/26),

a koje se odnose na unos i objedinjavanja izbornih rezultata glasanja koji će se provesti na nivou osnovne izborne jedinice 047A Lukavac kao i poslova koji su vezani za korištenje izbornih tehnologija u provedbi izbora i određivanje biračkih mjesta

**U okviru aktivnosti iz predhodnog stava imenovani će osigurati i koordinirati obavljanje slijedeće poslove :**

- tehničku pripremu i provedbu postupka žrijebanja za dodjelu mjesta u biračkim odborima,
- organizaciju unosa sa zelenih kopija utvrđenih izbornih rezultata sa svih redovnih biračkih mjesta za sve nivoe za koje se provode izbori u JIIS BiH aplikaciju u rokovima koje odredi CIK, a u okviru toga staranje o imenovanju supervizora i referenata za za unos utvrđenih izbornih rezultata, kontrola izvršenog unosa putem aplikacije JIIS BiH u skladu sa Pravilnikom o provođenju izbora,-
- izlaganje preliminarnih rezultata izbora na području Grada Lukavac

- aktinosti unosa podataka o imenovanim članovima biračkih odbora, njihovim izmjenama i angažovanju u odgovarajuću aplikaciju s ciljem izrade isplatnog spiska,
- štampanje certifikata o završenoj obuci,
- objave akata GIK-a na zvaničnoj internet stranici, skeniranje i pohranjivanje dokumentacije koja se odnosi na političke subjekte i sve druge poslove koji zahtjevaju informatička znanja.
- analizu postojećeg rasporeda birača po biračkim mjestima s predhodnih izbora s ciljem utvrđivanja potrebe formiranja novih biračkih mjesta, pripremu prijedloga za pripajanje ili odpajanje raspoređenih adresa sa biračkih mjesta s ciljem stvaranja optimalnog odnosno propisanog broja birača na biračkom mjestu,
- dostavljanje odluka o formiranju biračkih mjesta CIK-u BiH te koordinacija sa CBS-om u provođenju ove aktivnosti,

#### **Član 5.**

Član komisije **Azra Hasanović** je nosilac aktivnosti zaštite izbornog prava odnosno postupanje po prigovorima podnesenim GIK-u zbog povrede izbornog prava i izradu prijedloga odluke po prigovoru u skladu sa Uputstvom o procedurama za rješavanje po prigovorima i žalbama podnesenim CIK BIH i izbornim komisijama osnovnih izbornih jedinica („Službeni glasnik BiH“, broj 32/26), u saradnji sa CBS-om organizacija unosa podataka o podnesenim prigovorima u odgovarajuću aplikaciju i dostava istih CIK-u BiH, provjere ispravnosti dostavljenih prijedloga za članove i zamjenike članova biračkih odbora od strane političkih subjekata .....

#### **Član 6.**

Predsjednica GIK-a **Izeta Bajrić** je nosilac aktivnosti tehničke organizacije obuke članova biračkog odbora, obavještanja javnosti o svim informacijama važnim za izborni proces, organizacije sjednica komisije, organizacije urednog vođenja kancelarijskog poslovanja, pripreme prijedloga odluka i ugovora o ongažovanju lica za izborne aktivnosti za koje nisu zaduženi drugi članovi GIK, ostvarivanja saradnje sa CIK BIH drugim organima te koordiniranja rada članova komisije.

#### **Član 7.**

Imenovanje i obuka članova biračkih odbora kao jedna od najznačajnijih aktivnosti u organizaciji i provođenju Opštih izbora 2026. godine je obaveza svih članova GIK-a i obavljanje iste će koordinirati predsjednica komisije na način da će se izvršiti raspodjela biračkih odbora među članovima GIK-a za čiju obuku kao i sve dalje aktivnosti vezano za biračke odbore će biti pojedinačno zaduženi i odgovorni.

Provođenje ove aktivnosti podrazumijeva obavezu svakog člana GIK-a da nakon dostave prijedloga članova i zamjenika članova biračkih odbora od strane političkih subjekata i unos podataka u odgovarajuće tabele, a koji su potrebni za izradu Rješenja o imenovanju biračkih odbora, utvrde broj pozicija koje nisu popunjene, upoznaju ostale članove o tome te se dodatno angažuju za popunu istih.

Predsjednica i članovi komisije u saradnji sa koordinatorom za obuku članova biračkih odbora će provesti obuku članova i zamjenika članova biračkih odbora za koje su zaduženi, da koordinira blagovremeno pozivanje članova biračkih odbora na obuku, osigura vođenje evidencije o prisustvu obuci i sravnjavanje iste radi ponovnog pozivanja, staranje da za termin obuke biračkih odbora koje obučavaju imaju na raspolaganju potrebne obrasce, probne glasačke listiće za praktični dio obuke, dovoljan broj testova za provjeru znanja i sve drugo što smatra potrebnim za edukaciju istih, sva komunikacija sa predsjednicima i članovima biračkih odbora za čiju obuku je zadužen u svim daljim segmentima izbornog procesa.

#### **Član 8.**

Predsjednica i članovi komisije kao nosioci obavljanja dodijeljenih aktivnosti su obavezni pratiti Zakonske i podzakonske propise koji regulišu aktivnost za čije su obavljanje zaduženi, pripremati prijedloge akata za sjednice komisije iz domena za koji su zaduženi i iste predlagati za dnevni red sjednice.

U obavljanju dodijeljenih aktivnosti članovi GIK-a su ovlašteni potpisivati akte koji su neophodni u provođenju njihove aktivnosti, a koji nisu doneseni na sjednici GIK-a.

Za realizaciju dodijeljenih aktivnosti članoviima GIK-a će stajati na raspolaganju tehnička lica koja će biti angažovana od strane GIK-a za obavljanje operativno tehničkih poslova, koordinatora za IT poslove GIK-a, uposlenik centar za birački spisak, a po ukazanoj potrebi nosioci aktivnosti mogu predložiti angažman dodatnog osoblja .

Pri predlaganju angažmana osoblja za pomoć u provedi i obavljanju izbornih aktivnosti potrebno je nastojati da se radi o osobama koje posjeduju određena znanja i vještine za obavljanje izborne aktivnosti.

Članovi komisije su dužni vršiti nadzor nad radom osoblja angažovanog za provedbu aktivnosti kojom koordiniraju.

Svi akti koji se budu donosili u okviru obavljanja dodijeljene aktivnosti potrebno je protokolirati kroz popis akata GIK-a koji je dodijeljen od strane pisarnice Jedinog organa državne službe Grada Lukavac, odložiti original akta u Posebnu evidenciju, osigurati dostavu istog, a jedan primjerak akta osigurati za evidenciju o čemu će se starati tehnički sekretar komisije.

### **Član 9.**

Nosioci organizacije izbornih aktivnosti su dužni na sjednicama GIK-a obavještavati ostale članove o toku aktivnosti za koje su zaduženi, eventualnim problemima u provođenju aktivnosti, pripremiti prijedlog akta koji je potrebno donijeti ili usvojiti te predlagati angažovanje osoblja za obavljanje stručnih i tehničkih poslova pri čemu je potrebno polaziti isključivo od kompetencija predloženih lica.

Nosioci aktivnosti su izvjestioci po materijalima koje pripremaju i predlažu komisiji za razmatranje i donošenje, kao i izradu konačnog akta i njegovu dostavu namijenjenim subjektima.

### **10.**

Obavljanje poslova koji nisu obuhvaćeni ovom odlukom članovi komisije će usaglašavati međusobno na sjednicama komisije.

**PREDSJEDNICA GIK-e**

Izeta Bajrić dipl. pravnik

#### **Dostavljeno:**

- 1.Članovima GIK-a x5
- 2.Evidencija,
- 3.Arhiva.